

萬
盒
類
稿

1500

萬

全

類

書

卷

一

上

蒿簋類橐卷六

金壇馮煦

自夔州歸江寧遲漱泉不至

丁丑

三載風塵同惜別
幾回書札勸加餐
浮雲玉壘猿聲斷
落日金臺馬色寒
北闕上書成底事
西征作賦若爲歡
如何三月無消息
獨向淮南守釣竿

重宿二泉師宅示蘋湘

十載經過地重來
蔓草荒流塵棲敗壁積雨上虛堂
寂寂談經席蕭蕭縱酒場
羊曇今老大同首涕沾裳
冷落清門胄能文似阿戎
一官無倚著八口各飢窮
夔府秋笳暗秦淮夜月空
連牀孤舊約翻得與君同

登飛雲閣示漱泉

井幹墟煙十萬家西來高閣冠朝霞
庭前松子垂垂實壁上蝸涎故故斜
一第艱難同畫餅半生蹤跡等搏沙
相逢莫把吳鉤看且去青門學種瓜

紀山西災

三晉古堯封民氣樂且和陵夷至今日
有哭而無歌三年雨雪不到地方春
無麥秋無禾高原下隰同一赤奈此濯
濯童童何下山掘草根上山斫木皮
棘喉鉤舌甘如飴卻恐草木盡有時
君不見常平之倉千百所朝朝暮暮走
飢鼠飢鼠既走一粟無大府正上開倉
書民報災鞭撻同官報災代者來有災
不報民咷官笑民亦

不敢叱催科之吏怒且豪鮮衣逐怒馬蹀躞東西邨入門
羅酒漿出門括雞豚雞豚不足兒女續同是縣官俎上肉
吏還謁官足繡繡堂上張燈奏絲竹門者搖手戒勿前與
君且向倡家眠

蟋蟀歌唐風儉鄙以爲俗貧者謹蓋藏富者盛販鬻昔聞

强丈

廣廷丈

言頗亦斲其樸貧者寒無襦富者乘堅齒肥射

飛逐肉自從赤地來貧富同一哭貧無糴粟錢富糴又無
粟囊金一流珠一斛飢來不能果此腹道旁殍者東家兒
繡襦珠襦炫人目

飢寒生盜賊在昔有恆躅況此雲中與飛狐騎服射生本
其俗卓哉今所聞民風返醕古府九州十六爲縣八十五

戶口七百萬有奇忍死拳拳守庭戶寧爲首陽餓不作盜
跖生求之士夫且難此而況九死蜚蜚氓吁嗟乎安得天
下皆此氓但有火旱無刀兵於億萬年爲國禎

彼婦出而走足纖不盈只十步九顛蹙安能致千里呱呱
襁中兒一擲不復視豈無骨肉恩旦暮同死太行孟門
其高崔巍黃河一直萬牛不同舟楫爲之折車輪爲之摧
嗟哉彼婦胡爲乎來哉欲前山無楫欲渡河無梁側身一
落千丈強上飽烏鳶下豺狼豺狼烏鳶爾何福不飽微禽
飽人肉天陰月黑行無人幽崖夜夜然枯燭
辭丈慰農丈起謂我哀哉某縣某縣一何哀三年不一雨原
野無蒿萊戔戔吏如虎朝往莫復來民力不可繼官怒不

可同哀哉某縣某縣一何哀不報災不領賑不爲流移不
暴橫嚴城晝閉雞犬靜二十萬人同并命此是朝廷忠義
民孤憤上激天爲昏天爲昏官不聞

桑乾出渾源濁漳道長子汾絳與同過一一相輸委天啟
三晉亶伊豈獨無水遷流千百載水利棄不修昔爲千金
竭今爲三成邱巨壑無涓涓何有漚與溝至令地澤竭百
穀不一收吁嗟鄭國本開秦茫茫四顧無其倫

不識

戕戕方鎮視中條絳節油幢各自驕千里誰移河內粟二
星空照洛南輶巨川有楫交相濟大國如琴瑟不調不識
漢家何法度卻教平勃憾全消

冶山雪後有感示漱泉三首

山齋朔雪曉垂垂
覽鏡俄驚雙鬢衰
犬子豈甘投狗監
牛從終不若雞尸
流民千里正多故
窮士一編空爾爲
不見連膺老賓客
日烹奇字慰斯飢

勞勞身世一醯雞
在甕那知覺與迷
恨別空貽青玉案
哀時休唱白銅鞮
蟲編蠹簡同嘲弄
麤飯濁醪聊屑栖
幽怪卽今森白日
勸君莫燭太眞犀

校經馬隊與君偕
張角相逢竟未諧
百代光陰皆逆旅
十年情好似同懷
汝南品目今尤忌
陽羨歸耕昔已乖
此去不須謀卒歲
杜關拚有酒如淮
同漱泉雪後過城西

皜皜一白驕初陽冰柱挂檐三尺強寒騎無聲凍鵲死林
表四射瓊瑤光老兵列幕城西闕霜色在面作寒纈哥舒
半段繡生花走向街頭劖殘雪

檢力堂遺稿愴然有感示顯弼

戊寅

一從塵篋得封題回首前游重惻悽破屋秋聲哦病鶴廢
祠霜色咽荒雞相逢苦語親燈火不分勞生厭鼓鼙今日
傳經真有子遺編在眼不須唬

寄研孫蘇州

才名三十冠江東頰首書籤藥裏中歸去長沙哀賈誼到
來吳市隱梁鴻三年書札懷猶在五字詩篇知更工嗚咽
伯通橋下水聲聲猶似哭途窮

夔州之游忽忽如昨賦此寄紀三成甫次泉仲夔季述

脩髯一尺強高談薄青紫愛我忘其狂如公復誰是陰陰
巫峽雲湛湛巴江水歸魂不可招商歌起山鬼

北窗面曾巘雲氣生我裾扶疏百畝蔭好鳥鳴笙竽赤日
不到地一卷歌烏烏重游更何日或恐巢狴鼯

萬卷叢亂山中有貞士坐橫經五百人少怪而多可揮毫
突前賢虞褚亦其左不見東坡言知書莫如我

周郎秀璠璣結髮爲上客列廡東西頭半載共晨夕靜躁
豈一趣相忘在形迹脩竹春娟娟一尊瀉寒碧

驃騎昔歎逝銜觴百無歡素琴棲流塵房中罷清彈空幃
寂無人日夕吟孤鸞魂返庭際月環珮蕭蕭寒

仲夔雅好詩風騷挹其精飛閣日清歎萬壑皆商聲獨鶴
不受羈何有簪與纓憂來守一龕蕙帳秋塵生
季迷鸚鵡才下筆駭凡俗談經口懸河氣欲吞鄭服剗偽
還其真冠帶一桎梏麻衣泣空山秋草不復綠
錢生善滑稽餒死無人憐八口叢一室竈突寒無煙短衣
不揜骭揖讓王公前鍾期儻一遇廣坐鳴朱絃
春風鼓羣有玄髮乃非故寥寥楚澤吟回首邈川路萬里
一戶庭百歲一朝暮別久胡足悲相期葆貞素

西南

莽莽西南蜃氣浮中天十二起青樓徒聞瓔珞天魔舞幾
見珊瑚海樹收九數漸知周髀小六官爭向考工求舌人

四出叨封拜不數乘楂博望侯

慶生以人日用梅交韻一詩索和予久不作詩慶生強之甚苦爲此應之

端居澹時紛空山日蕭索霜下蟄寒蛩日出噪乾雀有酒薄不飲沈沈罷春酌蘇子才不羈訪我城西郭入坐無雜言說詩謝雕鑿一篇過枚生沈冥而得藥又如凋枯中有此三春萼奈何屈卑官不得著巖壑攬衣憺無歡塵坱五斗落我獨爲冥鴻不受弋人縛未覺登臨厭且喜禮數略講肆非馬隊翛然一廬託陶潛詠無依揚雲頌惟冥黎藿固其端何有羹與臠廣文酷耆我梅交履綦時一錯新詩萬口傳聞者歎且愕蒼蒼石湖交月查一卷冰雪嚼常柳楊

機

夙所欽老筆干將躍以我蝨其閒疇火難再灼仰慙正

始風俯謝建安作陶寫況未能多哀而少樂廢詩今年
頗似秋潦涸百苦屬此篇重與申禁約自視等蟬噪不足
當一噓

香山生日招集愚園倒用梅安索字韻

開歲倏再旬揜關寡諧噓眷焉得嘉招申我南園約是時
春水生一池靜不涸風日清且妍賓主足娛樂寥寥香山
翁大雅久不作去我向千載高名猶照灼再拜展遺挂歡
憇三百躍庭宇延空青江梅香可嚼疊石紛千盤有似怒
猊愕漫勞冠蓋喧頗憇觥籌錯我獨起遐慕當食忘羹臠
緬彼洛下會高風動寥寞黨禍牛李謝詩筆元劉託九老

今倍之少長形骸略出處兩無心何有塵鞅縛豪吟五嶽

搖清譚百琲落或負濟時材否亦志林壑一安獨巋然溫

未持八十顏如萼願爲十日飲焉用九還藥主人鳴朱絃

曲終脫谿鑿貞隱契支許黨魁識李郭一尊壽翁前時還

共斟酌翁與鴻鵠游後來寧燕雀詩成翁所歆更爲四座

索

荅蘇尉

忍寒索句孟東野仙尉風流今再聞日日酒腸出芒角門

前冠蓋直浮雲

十年共會羅含宅子識君知子詩篇迴不羣我獨空山友

猿鶴不堪持贈一窩雲

諸將自取無悲歎今齊同一氣
嶺南一道次櫓槍殘寇如毛劇未央
赤羽縱橫傳象郡黃巾飄忽走狼
荒屢移千乘征交趾稍喜三年克
鬼方聞道妖狐仍在莽蠻煙瘴霧
正蒼茫八城碁布峙西疆都護聲
威讐遠羌列郡乍開秦版籍遺黎
重覩漢冠裳笳吹雁塞孤煙紫旂
卷龍堆落日黃白髮憂邊趙充國
河湟萬里見耕桑

鄂羅遼遼卷黃塵橫索金繒迴不
賓耿耿貪狼天北極信
信瘼徇國西鄰甘陳誰控五原鎮
班傅真慙一介臣南界
魯機北冰海迴翔旌節更何人

薩峒外島對溫臺一入東溟竟不
回蝴蝶陣開麾扇去蜻

蛟地迴獻琛來纍臣空效包胥哭善將曾無威繼才莫上
雞籠觀日出中山城闕莽蒿萊

是誰赤手障狂瀾仗戈來登上將壇象戰昔曾傳鄧自牛
攻今更小田單兩甄旌石飛梭疾三翼樓船削鐵寒飛鳥
翩反不敢下亦知礪堡在江干

己卯閏上巳秦淮展禊集禊帖字四首

己卯

暮春天宇陰游騁快不足禊事今又脩列坐欣水曲俯仰
暢其天萬化同一日朗抱稽生絃靜攬與可竹簷得信殊
致觴詠隨所錄

觴詠初未集少長相于于崇山映脩湍靜躁亦以殊絲竹
會有時自足無悲娛今昔同一流賢者悟其初視聽與妄

遷萬古終虛無

萬古雖虛無一攬得天契臨流日將暮欣然以觴至後賢

信爲盛未異永和歲嗟慨一世情或外列與惠在迹倦不

知所喻形骸寄

形骸寄宙合靜坐觀無生一老若山峻

慰農丈

將致斯文興

春風引幽抱惠然喻茲情一室得所託懷哉和以清品類

殊萬有不曾殤與彭

送仲陶兄弟之燕

年年江表同譚宴一老婆娑世所宗且憲南州留二到更

趨東觀奏三雍樓船出沒秋邊戍旌節迴翔海上峯我獨

憂時復憂別不因搖落采芙蓉